

3 915.4 4

OFFICIUM DVPLEX

S. PETRI EREMITAE

Patroni, & Protectoris

TERRAE TREBARVM

Abbatiae Sublacensis Nullius Dioec.

Cuius sacrum Corpus in Collegiata Ecclesia
eiusdem loci piè asservatur.

*Ex indulto Apostolico fel. record. Clementis Pape Octavi
recitari solitum cum Octava à Clero dictæ Terra in Fe-
sto ipsius Sancti, quod celebratur die trigesima Augu-
sti: modò autem ex decreto Sacre Rit. Cong. pro uni-
verso Clero etiam aliorum locorum Abbatiae Sublacen-
sis concessum, & extensum, sed sine Octava.*



ROMÆ, Ex Typographia Reu. Cam. Apost. 1674.
Superiorum Permissu, & Privilegio.

CLEMENS PAPA VIII.

Ad perpetuam rei memoriam.

QUæ ad diuini cultus augmentum, & sanctorum venerationem pertinent, ea libenter concedimus, prout in Domino salubriter conspiciamus expedire. Sanè pro parte dilectorum filiorum Cleri, & Populi Terræ Trebarum Anagninæ Diæc. nobis nuper expositum fuit, quod ipsi pro eorum erga Beatum Petrum Eremitam dictæ Terræ Patronum institutio, & peculiari deuotione, Officium proprium de dicto Sancto in Ecclesijs dictæ Terræ recitare possent cupiunt. Nos illorum pio desiderio benignè satisfacere, ac eos specialibus fauoribus, & gratijs prosequi volentes, huiusmodi supplicationibus inclinati, lectiones proprias dicti Sancti Petri Eremitæ in Congregatione Venerabilium Fratrum nostrorum Sanctæ Romanæ Ecclesiæ Cardinalium super Sacris Ritibus, & cæremonijs deputatorum examinatas, emendatas, & approbatas, ac per dilectum filium nostrum Casarem Presbyterum Cardinalem Baronium nūcupatū subscriptas, quarum tenores presentibus pro expressis haberi volumus ex voto dilectorum Cardinalium, auctoritate Apostolica tenore presentium perpetuò confirmamus, & approbamus, ac dicto Clero, & Populo, ut
tan-

inquam de Patrono dicta Terrae festum eiusdem Sancti Petri Eremitae, quod die 30. Augusti ab immemorabili tempore celebratur ad rubricas Breuarij Romani in eorum Ecclesijs publicè celebrare, & lectiones proprias, ut praefertur, examinatas, & approbatas recitare valeant, auctoritate, & senore praesentium perpetuò concedimus, & indulgemus, non obstantibus constitutionibus, & ordinationibus Apostolicis, ceterisque contrarijs quibuscunque. Volumus autem, ut praesentium transumptis, etiam impressis, manu alicuius Notarij publici subscriptis, & sigillo alicuius personae in dignitate Ecclesiastica constituta munitis, eadem prorsus fides adhibeatur, quae ipsis praesentibus adhiberetur si forent exhibita, vel ostensa. Datum Romae apud Sanctum Marcum sub Annulo Piscatoris die 14. Augusti 1602. Pontificatus Nostri Anno Vndecimo.

M. Vestrius Barbianus.

Die xxx. Augusti.

IN F E S T O
S. PETRI EREMITAE
TREBARVM PATRONI
D V P L E X.

*Omnia de Communi
Confessoris non Pontificis,
præter Lectiones secundi
Nocturni.*

Oratio.

Deus qui nos Bea-
ti Petri Confes-
soris annuâ solemnita-
te lætificas : concede
propitius , vt cuius na-
ralitia colimus , etiam
actiones imitemur .
Per Dominum Nostrū
Iesum Christum .

*Lectiones primi No-
cturni de libro Sapientie.
Iustus si morte præoc-
cupatus &c. vt in com-
muni Conf. non Pontif.*

IN II. NOCTVRNO.

Lectio iij.

Petrus Eremita pro-
pè Carseolos in Ar-
cis Vegetis Castro Mar-
sicanæ Dioc. natus, ab
ineunte ætate morum
integritatem, pudiciâ,
& innocentiam mirificè

coluit . Adolescens cum à parentibus ad ducendam vxorē impelleretur , illis clam , patriâq; relicta , Tybur secessit ; vbi annos aliquot apud Cletum virum probū , & pium diuersatus , eos breui progressus effecit , vt magistrum suum superare videretur . Eius sanctitatis fama vbi ad Episcopi aures peruenit , Petri ille virtutes admiratus , ipsum in Clericorum numerum adscripsit . Tu autem Dñe .

Lectio v.

INterea Episcopi iussu in Patriam reuersus , vt conciuēs suos ad pietatem institueret , eorum quāplurimos , sermonibus de rebus pijs , quos ad eos faciebat , è corruptis moribus ad emendatiorem vitā traduxit . Quod cum faceret , impijs hominibus illum oppugnantibus , eūque deridentibus , nunquam cessit ; ab ipsis etiā casus , eam iniuriam patienter sustinuit . Cumque apud suos duos circiter annos fuisset , tandem Sanctissimæ Dei Matris admonitu inde recedens , ad eum locū , qui Sublacus dicitur , venit , vbi sex menses apud Monachos S. Benedicti commoratus , finitima loca , quò proximum adiuuaret , circumiuit : in ijsque , Deo iuuante , multa sanctè , & admirabiliter gessit . Dæmonem , qui eum in Ecclesiâ Sancti Abundij oratē impedire conabatur , à se expulit : carnem quoque .

quoque cilicio perpetuo afflixit. Tu autem Domine.

Lectio vi.

TRebas deinde profectus, cum ibi magno suo dolore Christianos ritus collapsos vidisset, eosdem restituendos suscepit, atque eius Oppidi incolas ad diem Dominicum ritè colendū hortari cœpit: idque ita fieri debere, ut eos monebat, miraculis confirmavit, ibique plurimis quoque ad salutem profuit. Oratio-
ni ad eò intentus erat, ut precando à Deo quamplurima admirabiliter impetrarit. Vas vitreum confractum diuinâ virtute restituit. Multos, qui offerebantur, homines morbis varijs affe-

ctos sanauit. Dæmonū æstu agitato liberauit, cæcorum oculos, surdorum aures aperuit, aliaque diuinitus egit, quibus Deus eius sanctitatem omnibus notam esse fecit. Demum beatus vir, his, alijsque meritis cumulatus in Cœlū migravit ad præmium, tertio Kalend. Septembris, ex cuius corpore suauissimus mox odor, mirantibus qui aderant, manare cœpit. Tu autem Domine.

IN III. NOCTVRNO
Euangelium. Sint lum-
bi vestri præcincti. *Cum*
Homilia Sancti Gregorij
Pape, ut in Comm. Conf.
non Pontif.

Missæ. Os iusti. *Ex*
eodem Communi, cum
oratione ut supra.

Ab-

Abbatia Sublaci

Sacra Rituum Congregatio., referente Eminentissimo Domino Cardinali Bonae, ad preces Eminentissimi D. Cardinalis Caroli Barberini Abbatis Commendatarij Sublaci benignè inclinata, censuit, concedi posse, prout concessit, ut in posterum Officium Duplex cum octauâ, &lectionibus proprijs Sancti Petri Eremitae Protectoris Terrae Trebarum loci praedictae Abbatiae, quod die 30. Augusti festo dicti Sancti solet recitari à Clero dictae Terrae, etiam per Clerum tam Terrae Sublaci, quàm aliorum locorum praedictae Abbatiae recitari possit, & valeat, absque tamen octauâ.
Hac die tertiâ Martij 1674.

F. M. Episc. Portuen. Card. Brancatius

Loco † Sigilli.

Bernardinus Casalini Sac. Rit. Congreg. Secret.

